

ՏԵՂԵԿԱՏՎԱԿԱՆ ԱՄՓՈՓԱԳԻՐ

«Փրայմ Մանկություն» ֆիզիկական անձանց ժամկետային ավանդ

Հրապարակված է 29.10.2025թ.

1. Ավանդի նկարագրություն, էական դրույթներ

1.1 Ավանդը ներդրվում է ՀՀ ռեզիդենտ կամ ՀՀ ոչ ռեզիդենտ ֆիզիկական անձի կողմից հոգուտ երրորդ անձի՝ անչափահասի (ավանդի ժամկետը լրանալու պահին մինչև 18 տարեկան): Երրորդ անձը՝ ավանդատուի իրավունքներ ձեռք է բերում բանկին այդ իրավունքների վրա հիմնված առաջին իսկ պահանջը ներկայացնելու կամ այդ իրավունքներից օգտվելու իր մտադրության վերաբերյալ որևէ այլ եղանակով բանկին տեղեկացնելու պահից: Մինչև երրորդ անձի կողմից ավանդատուի իրավունքներից օգտվելու մտադրության մասին արտահայտվել բանկային ավանդի պայմանագիր կնքած անձը կարող է օգտվել ավանդի հաշվում իր մուծած դրամական միջոցների ավանդատուի իրավունքներից:

1.2 Ավանդը մուտքագրումներով և առանց ելքագրումներով է: Ավանդը կարող է համալրվել ցանկացած ժամանակ և ցանկացած չափով մինչև ավանդի ժամկետի ավարտին՝ Նախորդող 60-րդ օրը:

1.3 Ավանդը ներդրվում է ՀՀ դրամ արժույթով: Ավանդի ժամկետը որոշում է Ավանդ ներդրողը՝ 730 օրից մինչև 6570 օր (2-18 տարի, ավանդի ներդրման պահին երեխայի տարիքը չի կարող գերազանցել 16 տարին և ավանդի վերջնաժամկետին երեխայի տարիքը չպետք է գերազանցի 18 տարեկանը): Այն դեպքում, եթե Ավանդի վերջնաժամկետը ոչ աշխատանքային օր է, ապա Ավանդի գումարը վերադարձվում է հաջորդ աշխատանքային օրը, իսկ Ավանդի դիմաց տոկոսագումարները հաշվարկվում են Ավանդի՝ պայմանագրով սահմանված ժամկետի համար՝ ավելացված Նաև ոչ աշխատանքային օրերի համար հաշվարկված տոկոսագումարները:

1.4 Ավանդի ներդրման սկզբնական նվազագույն գումարը՝ 1 000 000 ՀՀ դրամ:

1.5 Ավանդի դիմաց տոկոսները վճարվում կամ կապիտալացվում են յուրաքանչյուր տարի ըստ ավանդի ներդրողի ցանկության::

1.6 Ավանդի առավելագույն չափը սահմանվում է 100 մլն ՀՀ դրամ:

1.7 Ավանդի ձևակերպումն իրականացվում է Ավանդատուի՝ իր և 3-րդ անձի՝ (երեխայի) անձը հաստատող փաստաթղթերի ներկայացմամբ:

1.8 Ավանդը կարող է ներդրվել Նաև Ավանդատուի լիազոր ներկայացուցչի կողմից, «ՎՏԲ-Հայաստան Բանկե ՓԲԸ (այսուհետ՝ Բանկ) հետ Ավանդի պայմանագիր կնքելու և Ավանդի գումարը վերադարձնելու մասին պատշաճ ձևով վավերացված լիազորագրի և լիազոր ներկայացուցչի անձը հաստատող փաստաթղթի ներկայացմամբ:

1.9 Ավանդը Բանկային ավանդի Պայմանագրով պայմանադրված ժամկետում չպահանջվելու դեպքում վերադարձվում է պայմանագրով սահմանված ավանդի ժամկետի վերջին օրը կամ, Հաճախորդի կողմից համապատասխան Նշման առկայության դեպքում Ավանդային պայմանագիրը երկարաձգվում է Նույն ժամկետով և արժույթով (բայց ոչ ավել քան 3-րդ անձի (երեխայի) չափահասության լրանալը), երկարաձգման պահին տվյալ ավանդատեսակի համար գործող պայմաններով, իսկ տարեկան տոկոսադրույքը սահմանվում է երկարաձգման պահին տվյալ ավանդատեսակի համար Բանկում գործող տոկոսադրույքը: Համապատասխան ավանդատեսակի պայմաններով այլ բան նախատեսված լինելու դեպքում հիմք են ընդունվում այդ պայմանները:

1.10 Տվյալ ժամկետային Ավանդի (արժույթի) ներգրավումը Բանկում դադարեցված լինելու դեպքում, Ավանդի Պայմանագիրը ավտոմատ չի երկարաձգվում և Ավանդի գումարը մուտքագրվում է տվյալ Ավանդի պայմանագրում Նշված Ավանդի մարման հաշվին Նույն արժույթով՝ տվյալ բանկային հաշվի համար տվյալ Բանկում գործող պայմաններով և սակագներով: Այս դեպքում Բանկը տեղեկացնում է ավանդատուին պայմանագրով նախընտրած ծանուցման եղանակով՝ ավանդային պայմանագրի ժամկետը լրանալու օրվանից 15 (տասնհինգ) օրացուցային օր առաջ:

1.11 Պայմանագրի գործողության ընթացքում Բանկն իրավասու է միակողմանի փոփոխել պայմանագրում նախատեսված ավտոմատ երկարաձգման պայմանը, նախօրոք, այդ մասին, երկարաձգման ենթակա ժամկետի ավարտից առնվազն 15 (տասնհինգ) օրացուցային օր առաջ տեղյակ պահելով Ավանդատուին:

2 Ավանդի տոկոսադրույք (պարզ (անվանական) տոկոսադրույք)՝ Ավանդի տարեկան պարզ (անվանական) տոկոսադրույքի չափ՝

Սկզբնական ներդրում/ժամկետ	730 օրից մինչև 6570 օր
ՀՀ դրամ 1 000 000 -ից	Ավանդի բացման օրվանից 1095 օր 9.3%
	Այնուհետև յուրաքանչյուր 1096-րդ օրը ավանդի տոկոսադրույքը ավտոմատ կերպով փոխվում է, և ընթացիկ տոկոսադրույքը սահմանվում է "Ավելացող" ավանդատեսակի տարեկան տոկոսադրույքին համապատասխան (համալրման տարբերակով) 1095 օր ժամկետով ՀՀ դրամի համար:

- Եթե փոփոխության պահին Բանկում նշված ավանդի տիպը չի գործում, ապա ընտրվում է համալրման հնարավորությամբ ավանդատեսակ:
- Եթե փոփոխության պահին Բանկում համալրման հնարավորությամբ ավանդատեսակը չունի 1095 օր ժամկետ, ապա ընտրվում է տոկոսադրույքը ժամկետի վերջում ստանալու հնարավորությամբ ավանդատեսակի վերջին ժամկետը:
- Եթե Բանկում ավելացման հնարավորությունով ավանդատեսակ առկա չէ, ապա տոկոսադրույքը չի փոփոխվում տվյալ 3 տարվա համար:

2.2 Ավանդային պայմանագրով վճարվող տոկոսների հաշվարկման օրինակ՝ եթե ՀՀ դրամով ավանդի տարեկան տոկոսադրույքը հավասար է 9.3%-ի, հաճախորդը մեկ տարվա դեպքում կստանա.

- $(100\ 000\ ՀՀ\ դրամ) \cdot 9.3\% = 9\ 300\ ՀՀ\ դրամ\ 365\ օրվա\ համար:$

2.3 «Տարեկան պարզ (անվանական) տոկոսադրույք»-ի հաշվարկման ժամանակ հիմք է ընդունվում տարվա փաստացի օրերի քանակը:

ՈՒՇԱԴՐՈՒԹՅՈՒՆ՝ ԶԵՐ ԱՎԱՆԴԱՅԻՆ ՀԱՇՎԻՆ ԱՌԿԱ ՄԻՋՈՑՆԵՐԻ ՆԿԱՏՄԱՄԲ ՏՈԿՈՍԱԳՈՒՄԱՐՆԵՐԸ ՀԱՇՎԱՐԿՎՈՒՄ ԵՆ ԱՆՎԱՆԱԿԱՆ ՏՈԿՈՍԱԴՐՈՒՅՔԻ ՀԻՄԱՆ ՎՐԱ: ԻՍԿ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ՑՈՒՅՑ ԵՍԼԻՍ, ԹԵ ՈՐՔԱՆ ԵԿԱՄՈՒՏ ԿՍՏԱՆԱՔ ԴՈՒՔ՝ ԶԵՐ ԿՈՂՄԻՑ ԱՎԱՆԴԻ ՀԵՏ ԿԱՊՎԱԾ ՊԱՐՏԱԴԻՐ ՎՃԱՐՆԵՐ ԿԱՏԱՐԵԼՈՒ ԵՎ ՍԱՀՄԱՆՎԱԾ ՊԱՐԲԵՐԱԿԱՆՈՒԹՅԱՄԲ ՎԱՍՏԱԿԱԾ ՏՈԿՈՍԱԳՈՒՄԱՐՆԵՐԸ ՍՏԱՆԱԼՈՒ ԱՐԴՅՈՒՆՔՈՒՄ: ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ԵՎ ՀԱՇՎԱՐԿՄԱՆ ԿԱՐԳԸ ԿԱՐՈՂ ԵՔ ԳՏՆԵԼ ՍՈՒՅՆ ԱՄՓՈՓԱԳՐԻ 2.4 ԿԵՏՈՒՄ:

2.4 Ավանդի տարեկան տոկոսային եկամտաբերությունը (APY)՝

«APY-էյ-Փի-Ուայ (այսուհետ՝ APY)»՝ տվյալ ավանդատեսակի համար հաշվարկված ավանդի տարեկան տոկոսային եկամտաբերությունը: APY ցույց է տալիս, թե որքան կկազմի ավանդի տարեկան եկամտաբերությունը հաճախորդի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու (կապիտալացման) արդյունքում:

APY – տարեկան տոկոսային եկամտաբերության տոկոսադրույքով վճարվող տոկոսների հաշվարկման օրինակ՝ եթե տոկոսադրույքը հավասար է X %-ի, ապա ՀՀ դրամով ավանդի տարեկան արդյունավետ տոկոսադրույքը հավասար է.

Սկզբնական ներդրում/ժամկետ	730 օրից մինչև 6570 օր
ՀՀ դրամ 1 000 000 -ից	X%

$(100\ 000\ ՀՀ\ դրամ) \cdot X\ \% = X\ ՀՀ\ դրամ\ 365\ օրվա\ համար:$

2.5 Բանկն ավանդատուին ավանդի դիմաց վճարում է տոկոսներ՝ պայմանագրով սահմանված չափով:

2.6 Ավանդը կարող է վերադարձվել ժամկետից շուտ: Ավանդատուի կողմից Ավանդը ժամկետից շուտ պահանջի դեպքում.

- Եթե ավանդի փաստացի Բանկում պահված օրերի քանակը փոքր է 365 /ներառյալ/ օրից Բանկը կատարում է տոկոսների վերահաշվարկ՝ 0.01% տարեկան տոկոսադրույքով:

- Եթե ավանդի փաստացի Բանկում պահված օրերի քանակը մեծ է 365 օրից՝ Բանկը պահպանում է վճարած/կապիտալիզացված տոկոսները, իսկ հաշվետու տարվա համար կատարում է տոկոսների վերահաշվարկ 0.01 % տոկոսադրույքով:

Երրորդ անձ-ավանդատուի կողմից իր իրավունքներից օգտվելու մտադրության վերաբերյալ տեղեկացնելուց հետո, իր կամ վերջինիս օրինական ներկայացուցչի կողմից Բանկ դիմելու և սույն պայմանագրի ժամկետից շուտ լուծելու/դադարեցնելու ցանկության դեպքում, գործարքի կատարման պահին Ավանդը ներդրողի ներկայությունը պարտադիր է:

2.7 **Երրորդ անձանցից** ավանդատուի անունով մուտքագրվում են դրամական միջոցներ Ավանդի հաշվում՝ ավանդատուի հաշվի մասին անհրաժեշտ տվյալների նշումով, եթե այլ բան նախատեսված չէ բանկային ավանդի պայմանագրով: Ընդ որում, ենթադրվում է, որ ավանդատուն, նման անձանց իր ավանդի հաշվի մասին անհրաժեշտ տվյալներ տրամադրելով, համաձայնվել է նրանցից ստանալ դրամական միջոցներ:

2.8 Այն դեպքում, եթե Ավանդի վերջնաժամկետը ոչ աշխատանքային օր է և ավտոմատ չի երկարաձգվել, ապա Ավանդի գումարը վերադարձվում է հաջորդ աշխատանքային օրը, իսկ Ավանդի դիմաց տոկոսագումարները հաշվարկվում են Ավանդի՝ պայմանագրով սահմանված ժամկետի համար՝ ավելացված նաև ոչ աշխատանքային օրերի համար հաշվարկված տոկոսագումարները:

2.9 Տարեկան տոկոսային եկամտաբերությունը կարող է փոփոխվել յուրաքանչյուր 3 տարին մեկ անգամ տոկոսադրույքի փոփոխման հետ պուզահեռ, որի մասին Հաճախորդը տեղեկացվում է էլեկտրոնային ծանուցման եղանակով:

3 Տեղեկատվություն սակագների և տուժանքների մասին

3.1. Հաշվի քաղվածք՝

Բանկային հաշվով քաղվածքի տրամադրում ¹	
ընթացիկ կամ նախորդ ամսվա համար	Անվճար
2-ից 12 ամիս վաղեմության	1900
1 տարուց ավել վաղեմության	3900
Վճարային փաստաթղթերի պատճենների տրամադրում ¹	
Թղթային տարբերակով պահվող փաստաթղթերի դեպքում ²	
մինչև 1 տարի վաղեմության	2900
1 տարուց ավել վաղեմության	4900
Էլեկտրոնային տարբերակով պահվող փաստաթղթերի դեպքում ²	
	1900
Տեղեկանքների տրամադրում Բանկի ստանդարտ տիպային ձևով ¹	
հայերեն լեզվով	2900
ռուսերեն լեզվով	3900
Տեղեկանքների տրամադրում ոչ ստանդարտ ձևով ¹	
	5900

¹ Ներառյալ ԱԱՀ

² Յուրաքանչյուր ձևի համար

3.2. Ավանդային հաշվի բացման, վարման և փակման ընթացքում տուժանքներ չեն կիրառվում:

4. Այլ լրացուցիչ պայմաններ՝

4.1. Ավանդի գործողության ընթացքում Բանկն 1.000.000 ՀՀ դրամ և ավել ավանդ ներդրած Ավանդատուին, վերջինիս ցանկությամբ, տրամադրում է MIR վճարային համակարգի պլաստիկ քարտ հետևյալ սակագներով և պայմաններով՝

- Բանկում ներդրված ավանդի/ների ամբողջ ժամանակահատվածի ընթացքում (ներառյալ նաև՝ ավանդի/ների երկարաձգումը) կիրառվում է

քարտի սպասարկման 0 ՀՀ դրամ ամսական վճար, «ՎՏԲ-Հայաստան Բանկ» ՓԲԸ բանկումատներում քարտից կանխիկացման 0 ՀՀ դրամ կանխիկացման վճար:

- Բանկում Ավանդատուի գործող ավանդի/ների ժամկետը լրանալու և չերկարաձգվելու դեպքում, ինչպես նաև ավանդային պայմանագիրը ժամկետից շուտ դադարեցվելու դեպքում, դադարման ամսաթվին հաջորդող ամսից սկսած քարտը կսպասարկվի Բանկում գործող սակագների համաձայն:

4.2. «ՎՏԲ-Հայաստան Բանկ» ՓԲԸ-ում 1 և ավել քանակով ավանդ ձևակերպող/ած Ավանդատուն ժամանակի կոնկրետ պահին կարող է ունենալ 4.1 կետի պայմաններին բավարարող 1 պլաստիկ քարտից ոչ ավել:

4.3. Պլաստիկ քարտը կարող է տրամադրվել Ավանդատուին ինչպես ավանդի/ների ձևակերպման պահին, այնպես էլ ավանդի/ների՝ Բանկում գործողության ամբողջ ժամանակահատվածի ընթացքում:

4.4. Վճարային պլաստիկ քարտերի տրամադրման և օգտագործման կանոններին և պայմաններին ««ՎՏԲ-Հայաստան Բանկ» ՓԲԸ կողմից ֆիզիկական անձանց մատուցվող ծառայությունների պայմանները և կանոններին (ՕՖԵՐՏԱ) կարող եք ծանոթանալ «ՎՏԲ-Հայաստան Բանկ» ՓԲԸ պաշտոնական կայքում www.vtb.am («Քարտեր» բաժնում):

4.5. Ավանդին մուտքագրումներ կարող են կատարվել հետևյալ եղանակներով՝

- «ՎՏԲ-Հայաստան Բանկ» ՓԲԸ ցանկացած մասնաճյուղում,
- «Վիդեո բանկ» ծառայության միջոցով,
- «Ինտերնետ/Մոբայլ Բանկինգ» ծառայության միջոցով:

5. Վեճերի լուծման կարգը

Պայմանագրի գործողության ընթացքում կողմերի միջև ծագած վեճերը և տարաձայնությունները լուծվում են բանակցությունների միջոցով: Բանակցությունների միջոցով համաձայնության չգալու դեպքում վեճը լուծվում է ՀՀ օրենսդրությամբ սահմանված կարգով:

Հաճախորդն հնարավորություն ունի Բանկի և իր միջև բխող բոլոր-պահանջները ներկայացնել ֆինանսական համակարգի հաշտարարին:

Տեղեկացնում ենք, որ Բանկը կնքել է ֆինանսական համակարգի հաշտարարի որոշումները վիճարկելու իրավունքից հրաժարվելու վերաբերյալ համաձայնագիր այն պահանջներով, որոնց ընդհանուր չափը չի գերազանցում 250,000 (երկու հարյուր հիսուն հազար) ՀՀ դրամը կամ համարժեք արտարժույթը և գործարքի ընդհանուր գումարը չի գերազանցում 500,000 (հինգ հարյուր հազար) ՀՀ դրամը կամ համարժեք արտարժույթը:

Հայտարարություն: Հաշիվը և դրանում եղած դրամական միջոցները տնօրինելու հաշվետիրոջ իրավունքները կարող են սահմանափակվել դատարանի վճռով դատական ակտերի հարկադիր կատարումն ապահովող մարմինների կամ հարկային մարմինների կողմից ներկայացված հայտի հիման վրա:

Հայտարարություն: Առանց հաշվետիրոջ կարգադրության հաշվից դրամական միջոցների բռնագանձումը կարող է իրականացվել դատարանի վճռով դատական ակտերի հարկադիր կատարումն ապահովող մարմինների և հարկային մարմինների կողմից ներկայացված հայտի հիման վրա: Ընդ որում, Հաճախորդն իր հաշվից դրամական միջոցների բռնագանձման վերաբերյալ տեղեկացվում է տվյալ հաշվի քաղվածքի միջոցով՝ իր կողմից նախապես ընտրված հաղորդակցման /քաղվածքի ստացման/ եղանակով

և կարգով (քաղվածքի ծանուցման եղանակի բացակայության դեպքում՝ փոստով՝ բնակության կամ հաշվառման հասցեով):
ՈՒՇԱԴՐՈՒԹՅՈՒՆՆԵՐԻ «ՁԵՐ ՖԻՆԱՆՍԱԿԱՆ ՏԵՂԵԿԱՏՈՒՆԵ ՖԻԶԻԿԱԿԱՆ ԱՆՁԱՆՑ ԱՌԱՋԱՐԿՎՈՂ ԾԱՌԱՅՈՒԹՅՈՒՆՆԵՐԻ ՈՐՈՆՄԱՆ, ՀԱՄԵՄԱՏՄԱՆ և ՁԵՁ ՀԱՄԱՐ ԱՄԵՆԱԱՐԴՅՈՒՆԱԿԵՏ ՏԱՐԲԵՐԱԿԻ ԸՆՏՐՈՒԹՅՈՒՆԸ ՀԵՇՏԱՑՆՈՂ ԷԼԵԿՏՐՈՆԱՅԻՆ ՀԱՄԱԿԱՐԳ Է՝ <https://www.fininfo.am>:

Բանկը՝ «Փողերի լվացման և ահաբեկչության ֆինանսավորման դեմ պայքարի մասին» ՀՀ օրենքով սահմանված Հաճախորդի պատշաճ ուսումնասիրության Նպատակով, կարող է Հաճախորդից «Ճանաչիր քո հաճախորդին» («Know your customer») սկզբունքի հիման վրա պահանջել լրացուցիչ փաստաթղթեր կամ այլ տեղեկություններ, ինչպես նաև բանավոր հաղորդակցման ընթացքում լրացուցիչ հարցեր տալ Հաճախորդին (նման պահանջի առկայության դեպքում):

Օտարերկրյա հաշիվների հարկային համապատասխանության ակտի (Foreign Account Tax Compliance Act (FATCA)) ե հիման վրա ԱՄՆ-ի հետ կնքած համաձայնագրի համաձայն Բանկը Ձեր՝ ԱՄՆ հարկատու հանդիսանալու հանգամանքը պարզելու համար կարող է իրականացնել լրացուցիչ տեղեկատվության հավաքագրում:

6. Ավանդը երաշխավորված է Ավանդների հատուցումը երաշխավորող հիմնադրամի կողմից՝ համաձայն «Ֆիզիկական անձանց ավանդների հատուցումը երաշխավորելու մասին» ՀՀ օրենքի:
 Ավանդների երաշխավորվող սահմանաչափերը հետևյալն են՝



Ավանդի արժույթային կառուցվածքը	Եթե Նույն բանկում ունեք միայն դրամային ավանդ	Եթե Նույն բանկում ունեք միայն արտարժույթային ավանդ	Եթե Նույն բանկում ունեք և ՀՀ դրամով, և արտարժույթով ավանդ	
			Եթե դրամային ավանդը 7 միլիոն ՀՀ դրամից պակաս է ավանդ	Եթե դրամային ավանդը 7 միլիոն դրամից ավել է
Ավանդի երաշխավորման առավելագույն չափը	16 միլիոն ՀՀ դրամ	7 միլիոն ՀՀ դրամ	7 միլիոն ՀՀ դրամ (երաշխավորվում է դրամային ավանդի ամբողջությամբ և արտարժույթային ավանդը՝ 7 միլիոն ՀՀ դրամի և հատուցված դրամային ավանդի տարբերության չափով)	16 միլիոն ՀՀ դրամ (երաշխավորվում է միայն դրամային ավանդը)
* Նույն բանկում բոլոր դրամային ավանդները համարվում են մեկ ավանդ, բոլոր արտարժույթային ավանդները համարվում են մեկ ավանդ: Համատեղ ավանդը համարվում է առանձին ավանդ՝ պայմանագրով սահմանված մասնաբաժնի չափով:				

7. «Եկամտային հարկի մասին» ՀՀ օրենքի համաձայն՝ հաճախորդին հաշվեգրված տոկոսները վճարելիս Բանկը հանդես է գալիս որպես ավանդատուի հարկային գործակալ, գանձում է եկամտային հարկ տոկոսագումարի (եկամտի) 10%-ի չափով և փոխանցում պետական բյուջե:

8. Դուք իրավունք ունեք հաղորդակցվել Բանկի հետ Ձեր նախընտրած եղանակով՝ փոստային կապի միջոցով կամ էլեկտրոնային եղանակով: Էլեկտրոնային եղանակով տեղեկատվության ստացումն ամենահարմարավետն է: Այն հասանելի է 24/7 ռեժիմով, վերծ է թղթային տեղեկատվության կորստի ռիսկերից և ապահովում է գաղտնիություն:

Ծառայության վերաբերյալ ամբողջական տվյալներին կարող եք ծանոթանալ www.vtb.am կայքում, ինչպես նաև զանգահարելով միասնական տեղեկատվական ծառայություն 87 87 հեռախոսահամարով: